



Broj: 01-04-~~21-5-2892-1~~ /25  
Datum: 16.12.2025.god.

Na osnovu člana 8. Zakona o ministarskim, vladinim i drugim imenovanjima ("Službene novine Federacije BiH", br. 12/03, 34/03 i 65/13) i člana 6. Pravilnika o standardima i kriterijima za imenovanje članova Nadzornih i Upravnih odbora u privrednim društvima, preduzećima i ustanovama prema kojima ovlaštenja i obaveze po osnovu državnog kapitala imaju organi Općine Travnik („Službene novine Općine Travnik“, broj: 5/14) u postupku imenovanja na pozicije u reguliranim organima iz nadležnosti Općine Travnik, Načelnik Općine Travnik, **o b j a v l j u j e**

### PONOVNI JAVNI OGLAS

**za izbor i imenovanje na pozicije predsjednika i članova nadzornog odbora JP Regionalni vodovod "Plava voda" d.o.o. Travnik, čiji je osnivač Općina Travnik**

#### I UVOD

Objavljuje se Ponovni javni oglas za izbor i imenovanje članova nadzornog odbora javnih preduzeća i javnih ustanova čiji je osnivač Općina Travnik i to:

#### II-Nadzorni odbori:

- 1. JP Regionalni vodovod "Plava voda" d.o.o. Travnik, ukupno 1 pozicija**
- predsjednik/član nadzornog odbora - ispred osnivača, 1 pozicije

#### III – Opis pozicije

Predsjednik Nadzornog odbora rukovodi sjednicama Nadzornog odbora, stara se o pripremi materijala za sjednice Nadzornog odbora i izvršenju akata Nadzornog odbora i obaveza prema Općini Travnik, obavlja i druge poslove utvrđene Statutom i drugim aktima reguliranog organa.

Predsjednik i članovi Nadzornog odbora reguliranog organa, nadziru rad i poslovanje direktora ustanove ili preduzeća, a naročito u segmentu upravljanja i raspolaganja kapitalom i imovinom ustanove ili preduzeća: utvrđuju politiku razvoja, razmatraju i usvajaju izvještaje o poslovanju, predlažu raspodjelu i način upotrebe dobiti, odnosno način pokrića gubitka u poslovanju, donose opća akta, rješavaju u drugom stepenu po žalbi na odluke direktora, te obavljaju druge poslove u skladu sa Zakonom i Statutom ustanova ili preduzeća.

Predsjednik i članovi Nadzornog odbora imenuju se na period od 4 (četiri) godine uz mogućnost ponovnog imenovanja u skladu Zakonom.

Imenovana lica imaju pravo na naknadu u skladu sa Zakonom i uslovima utvrđenim općim aktima ustanova ili preduzeća i ista će se isplaćivati iz sredstava ustanova ili preduzeća u koje budu imenovani.

#### IV – Kandidati za imenovanje na pozicije u Nadzornim odborima moraju ispunjavati:

- opće i
- posebne uslove

#### Opći uslovi za imenovanje:

- da su državljani BiH
- da su stariji od 18 godina,
- da nisu otpušteni iz državne službe kao rezultat disciplinske mjere na bilo kojem nivou u BiH u periodu od tri (3) godine prije dana objavljivanja upražnjene pozicije,
- da se na njih ne odnosi član IX. 1. Ustava Bosne i Hercegovine,
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima ("Službene novine Federacije BiH", br. 12/03, 34/03 i 65/13),
- da nisu na poziciji u zakonodavnoj, izvršnoj ili sudskoj vlasti u smislu Zakona o sukobu interesa,

- da im nije pravosnažnom presudom nadležnog suda izrečena zabrana obavljanja aktivnosti koje su u nadležnosti preduzeća odnosno ustanove za koju se kandidiraju,
- da nisu stariji od 70 (sedamdeset) godina na dan imenovanja,
- da nisu član više od jednog Upravnog ili Nadzornog odbora, odnosno odbora za reviziju.

#### b) Posebni uslovi za imenovanje:

- kandidat za predsjednika nadzornog odbora **javnog preduzeća** mora da ima najmanje visoku stručnu spremu (VSS – VII stepen) ili visoko obrazovanje prvog ciklusa (najmanje 240 ECTS), drugog ili trećeg ciklusa Bolonjskog sistema studiranja i najmanje 3 (tri) godine radnog iskustva
- kandidati za člana nadzornog odbora **javnog preduzeća** mora da ima najmanje višu stručnu spremu (VŠS – VI stepen) ili visoko obrazovanje prvog ciklusa (najmanje 180 ECTS) Bolonjskog sistema studiranja, a u izuzetnim slučajevima kandidati za člana nadzornog odbora ispred preduzeća srednju stručnu spremu (SSS - IV stepen) i da imaju najmanje jednu godinu radnog iskustva
- kandidati za članove nadzornog odbora javnog preduzeća moraju da imaju Certifikat o završenom usavršavanju propisan Uredbom o usavršavanju predsjednika i članova nadzornih odbora i uprava privrednih društava sa većinskim učešćem kapitala ("Službene novine Federacije BiH", br.71/09,33/10 i 40/10)
- kandidat za predsjednika odnosno za člana Nadzornog odbora **javne ustanove** mora da ima najmanje visoku stručnu spremu (VSS – VII stepen) ili visoko obrazovanje prvog ciklusa (najmanje 240 ECTS), drugog ili trećeg ciklusa Bolonjskog sistema studiranja, pravnog, ekonomskog ili drugog društvenog smjera,
- kandidati za predsjednika, odnosno za člana nadzornih odbora **javnih ustanova** moraju da imaju najmanje 3 (tri) godina radnog iskustva,
- da je uspješan privrednik-menadžer ili javni radnik,
- da imaju sposobnost nepristrasnog donošenja odluka, komunikacijske i organizacione sposobnosti,
- da imaju pozitivne rezultate rada ostvarene tokom poslovne karijere,
- preporuke ranijih neposrednih rukovodilaca (po mogućnosti).

#### V - Potrebni dokumenti

**Uz vlastoručno potpisanu prijavu na javni oglas** kandidati su dužni priložiti sljedeću dokumentaciju u originalu ili u ovjerenj kopiji od nadležnog organa za ovjeru:

- kraću biografiju (vlastoručno potpisanu), adresu i kontakt telefon,
- uvjerenje o državljanstvu,
- izvod iz matične knjige rođenih,
- uvjerenje o nevođenju krivičnog postupka od nadležnog suda ne starije od 3 mjeseca,
- uvjerenje da im nije pravosnažnom presudom nadležnog suda izrečena zabrana obavljanja aktivnosti koje su u nadležnosti preduzeća odnosno ustanove za koju se kandidiraju,
- diplomu o školskoj spremi,
- uvjerenje o radnom iskustvu
- certifikat o završenom usavršavanju propisan Uredbom o usavršavanju predsjednika i članova nadzornih odbora i uprava privrednih društava sa većinskim učešćem kapitala
- potpisanu i ovjerenu Izjavu (obrazac izjave može se preuzeti na šalteru u Centru za pružanje usluga općine Travnik) kojom kandidat potvrđuje sljedeće:
  - da nije otpušten iz državne službe kao rezultat disciplinske mjere, odnosno da ne radi u organu državne službe (ako ne radi u organu državne službe)
  - da se na kandidata ne odnosi član IX.1. Ustava BiH,
  - da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
  - da nije izabrani zvaničnik/zvaničica, nositelj/nositeljica izvršne funkcije ili savjetnik/savjetnica u smislu Zakona o sukobu interesa u organima vlasti Federacije Bosne i Hercegovine,
  - da nema privatni finansijski interes u ustanovi u čiji se upravni odbor kandidira,
  - da nije član više od jednog upravnog ili nadzornog odbora, odnosno odbora za reviziju.

Svi kandidati koji budu ispunjavali opće i posebne uslove, odnosno budu stavljeni na listu sa užim izborom bit će pozvani na intervju.

Prije intervjua komisija može tražiti od neposrednih ranijih rukovodilaca, preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i viši stepen stručne spreme.

Nakon intervjua Komisija za izbor će predložiti rang listu sa najboljim kandidatima i dostaviti Općinskom vijeću Travnik na dalje razmatranje i konačno imenovanje.

Konačno imenovanje će se objaviti u "Službenim novinama Općine Travnik".

Bilo koji kandidat ili član javnosti, može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u Federaciji BiH.

Prigovor na konačna imenovanja se podnosi Općinskom vijeću Travnik.

Javni oglas ostaje otvoren 15 dana od dana objavljivanja u "Službenim novinama Federacije BiH", Oglasnoj tabli općine Travnik i wweb stranici Općine Travnik.

Rok za podnošenje prijave računa se prema datumu objave oglasa u glasilu koje zadnje objavi oglas.

Prijave sa svim traženim dokumentima dostaviti lično ili poštom na adresu: Općina Travnik, Konatur bb, 72270 Travnik sa naznakom «prijava na ponovni javni oglas za izbor i imenovanje članova Nadzornog odbora JP Regionalni vodovod „Plava voda“ d.o.o. Travnik - NE OTVARAJ.

U prijavi kandidati su dužni označiti na koju se poziciju kandiduju (predsjednik ili član).

Neblagovremene, nepotpune i nuredne prijave neće se uzeti u razmatranje.

**N A Č E L N I K**

*dr. sci. Kenan Dautović*

